



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCCCXVI. ad annum MCCCCXXIII.

Parisiis, 1644

Sessio I.

urn:nbn:de:hbz:466:1-15653

ACTA CONCILII PISANI.

ANNO
CHRISTI
1499.

SESSIO I.

IN nomine Domini, amen. Anno a natiuitate eiusdem millesimo quadringentesimo nono, more Romano, in dictione secunda, die vicesima quinta mensis Martii, inchoatum fuit generale Concilium, siue sancta Synodus, & celebratum in ciuitate Pisana, in quo erant plures cardinales, patriarchæ, archiepiscopi, episcopi, abbates, sacra theologiae magistri, & vtriusque iuris doctores, & licentiatii notabiles, procuratoresque plurium absentium prælatorum: in quo quidem Concilio processum extitit per hunc modum.

Primo, fuerunt factæ processiones solennes, & postmodum in ecclesia cathedrali dictæ ciuitatis fuit Missa deuotissime per dominum cardinalem a Thurego celebrata, & sermo factus per vnum alium cardinalem, scilicet Mediolanensem. Missa vero celebrata, cantatæ fuerunt antiphonæ, & certæ orationes dictæ: & postmodum diaconus alta voce dixit: Orate. Tunc flexis genibus & inclinato capite, omnes orauerunt submissa voce mitris positis: deinde diaconus & subdiaconus cantauerunt alta voce litanias, & omnes responderunt. Quibus finitis, vnus cardinalis episcopus dixit certas orationes ad propositum vniouis: quibus completis, quidam cardinalis diaconus legit euangelium. Quo lecto, vnus episcopus cardinalis incepit hymnum, Veni creator spiritus. Quo finito, duo cardinales diaconi, duo archiepiscopi, & duo episcopi, cum pluribus doctoribus & notariis, ex ordinatione Concilii & mandato, se transtulerunt ad valuas ecclesiæ, & alta voce proclamauerunt, an Petrus de Luna & Angelus de Corario, qui Benedictus & Gregorius dicebantur, de papatu contententes, essent hic præsentis, aut aliquis pro ipsis. Quibus non repertis, nec aliquo pro ipsis, ad ecclesiam redierunt, & in pleno Concilio relationem fecerunt. Qua relatione sic facta, sacrum Concilium certos ordinauit & constituit promotores, seu procuratores nomine ecclesiæ vniuersalis, ad agendum, petendum & faciendum omnia necessaria, commoda & opportuna pro schismatis extirpatione,

ANNO
CHRISTI
1409.

contra prædictos dominos contendentes, imo verius colludentes de papatu, & pro sancta vnione in ecclesia Dei habenda, prout in forma, &c. Ordinatique sunt aduocati & notarii pro ista causa deducenda. Quibus factis, procuratores prædicti accusauerunt contumaciam dictorum contententium de papatu, & petierunt eos reputari contumaces in materia schismatis & fidei, ac in contumacia & defectu poni. Et fecerunt legi citationes & prouocationes dictorum contententium, & relationes executorum, &c. Quibus non obstantibus, Concilium sacrum de benignitate ordinauit expectandum vsque ad aliam sessionem, quæ fuit ordinata ad vigesimam sextam diem dicti mensis Martii.

SESSIO II.

Qua die adueniente, celebrata Missa, & feruatis solennitatibus vt supra, dicti contendentes fuerunt euocati ad valvas ecclesiæ, modo quo supra in media sessione. Et quia non comparuerunt, nec aliquis pro ipsis, fuit vt supra contumacia accusata. Nihilo minus Concilium sacrum iterum de benignitate dixit eos expectandos vsque ad penultimam diem dicti mensis Martii, ad quam diem ordinauit proximam sessionem: qua die, videlicet trigesima Martii adueniente, fuit processum vt sequitur.

SESSIO III.

Declaratio & decretum latum contra duos contententes de papatu ob contumaciam ipsorum in causa fidei & schismatis contumaciæ, prolata ex ore domini Prænestini sanctæ Romanæ ecclesiæ cardinalis Pictauensis vulgariter nuncupati, ex commissione totius Concilii & assensu vnanimi.

Vniuersis & singulis, sacra mandante Synodo, tenore præsentium intimatur, quod hac die Sabbati penultima huius mensis Martii in ecclesia cathedrali Pisana, celebrata deuote & solenniter Missa, pro vnione sacrosanctæ ecclesiæ ordinata, dictis in cantu litanis, & deuotis orationibus, ac expletis aliis in talibus consuetis; auditis quibusdam propositionibus & petitionibus deputatorum, aduocatorum, & procuratorum sacrosanctæ Romanæ ecclesiæ, iniquis de papatu contententium ausibus, laceffentium laceffito-

Concil. Tom. 29.

Bb ij